

SAN PABLO KARTA FXILEMON JÏI

Pablo' Fxilemona's fxi'jni

¹ Adxa' Jesukristo jxkaahni yuwe ewsa's pta'sxpa'gaçxáa preesu ũsthu, nawa naa karta's fxi'jaçthu yakthê'j Timoteo yakh, kwe'sx yakh mjïisa Fxilemon idxa's weçxana. ² Vxite' kwe'sx npe'sx Apia vxite' yakthê'j Arkipo kwe'sx yakh mjïisa vxite' iidx yatte pkhaakhesawe'sx txãawe'sxtxi weçxanath fxi'ja'. ³ Dxus kwe'sx Tata vxite' kwe'sxtxi jxpe'jsa Jesukristo txãawe'sx pu'çxni wêt mfxi'ze.

Fxilemona' Kristo's ũusuh jxuka yajkxna vx-itetxwa peeygãani

⁴ Bagaçxtewa Dxus yakh puutx we'we iisath idxa's yajkxna Dxusa's weçxá'. ⁵ Txã'wê Jesukristo's yuuçxáa yajkxna yakthê'jwe'sx jxukaysatxku peeygãhna fxi'ze' jïni's jiyuçxath txã'wê weçxá'. ⁶ Idx txã'wê Dxus yakh fxi'zepa'ga vxitewa Dxusa's jxpa'gasa ũsta' txãawe'sxwa Kristo Jesus kïhtewa jxuka pu'çxni's ew jiyukahnthu Dxusa's neewe'we'. ⁷ Adxa's iiméh wala weçx weçxa ũusuthek yakthê'j iidx peeygãani's jiyute', txãa pa'gatey txã'wê iidx pa'gaçxáa vxitewa txãawe'sx ũuste wêt-sa's jxpa'gatx naa pa'ga.

Pablo Fxilemona's neewe'weni Onesimo's ewçxáa jxpa'gakahn

⁸ Adxa' Kristo kaahnisath na' idxa's juuna' jxkaajxa' ãjawa'jsath. ⁹ Nawa idx txã'wẽ ewstate jiiçxa', juuna' we'wemée peeygãhnaçxáath we'we', adxa' Kristo Jesusna selpiipa'ga preesu ũsthu thẽ'khwe yã'jsa. ¹⁰ Txãasath idxa's pu'çx jxthãasu' Onesimo's ewçxáa yũuna. Txã'sa' adx nçxi'k na'wẽsath Dxus jii knay ay karcelte ũsçxawa. ¹¹ Nyafxii yu' idxna selpisáa Onesimo' seelpimeesak yuu. Nawa açxha' wala seelpisa' adx yakh vxite' idx yakhwa. ¹² Txã'sna iidx tasxte ki' kajaçthu aça' miipa'ga adx yuu kxtee pa'jaç na'wẽ. ¹³ Adxa' Dxus yuwe's pta'sxpa'ga ay karcelte ũsthu aça' adxna pi'kxna ũswa'jsa Onesimo's kaahmeewaç wejx ewna, idxa' adx yakh pi'kxna ũsya' aja'çmeeg aça' Onesimo ũskahn. ¹⁴ Nawa txã'wẽ yũu wẽemeeth, idxna kaajiyu'jmey yu', kxah idx adxna pu'çx wẽeçxa' pu'çxhine'ga Onesimo's kaapi'ki'jna. Nawa idxa's txã'wẽ myũu jina yu' jxthãasuçmeeth. ¹⁵ Onesimo' iidx tasxu maz en yu' txuteene', naajũyã'ja' peena yu' bagaçxte yuhwa txuteeya'mée. ¹⁶ Nawa açxha' selpiisáa na'wẽmée, wejxwa selpiisaate jxthaakwe yakthẽ'j peeygãanisa na'wẽ ew idx jxpe'khan ne' txã'wẽ yũu. Adxa' Onesimo's wala peeygãja'th, aça' idxa' wejx jxthaakwe peeygãawa'j ji'phgu, Onesimo' iidx jxpe'jnisak yu' nawa açxha' txã'wẽçxáamée, iidx yakthẽ'ja' Kristo's jiiapa'ga.

¹⁷ Idxa' adxa's namiku na'wẽ dxih yaakiççxa', Onesimo's miipa'ga, adx pa'jwaç ma'wẽ weçxana jxpa'gaki'g txã'wẽ yajkxna miipa'ga. ¹⁸ Idxa's

ãhmée wá' yuu, meeçxa' yuulwáana açá' adxna yuula's pēyine'ga. ¹⁹ Yuula's dukhe'nja jīna Pablo adx kuseju fxi'jni's uyçxa', wejx yuuwa adx txã'wē Pablo's yuulthu ew yūupa'ga sūjune'ga. ²⁰ Yakthē'j, txã'wē adx neewe'weni's kxtey meen yuu, Onesimo's jxpa'gana Dxusa's jiisa na'wē. Txã'wē yūuçxa', adx ūuste wētwe't kaayaki'jine'ga.

²¹ Txã'jīnath fxi'ja'. Idxa' kxtey yuune'ga sa' adx jxthāasnite jxthaakwe ew yūuwa'ja's jiiçxath txã'jī'. ²² Txã'wēçxáa yūumée, adx pa'jwa'ja'swa ūythasna mes. I'kwe'sx txã'wē Dxus yakh puutx we'wena ūste', Dxusa' kajawáana açá' maa enteya' sxawedu'nja i'kwe'sxtxi thegya'.

Yuwe weçxaa kaahnitx pta'sxna fxi'jni

²³ Kristo Jesusna selpiipa'ga karcelte adx yakh pi'kxna ūssa Epafxraswa yuwe weçxaa kaja'k, ²⁴ vxite' Markos, Aristarko, Demas, Lukas txãawe'sxwa mjī pu'çxsata' sa' weçxaa kaja'tx.

²⁵ Kwe'sxtxi jxpe'jsa Jesukristo' i'kwe'sxtxi pu'çxhina.

Dyus Yuwe U'sesa
Páez: Dyus Yuwe U'sesa New Testament

copyright © 2011 Wycliffe Bible Translators, Inc.

Language: (Páez)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

06da09f4-8d0f-5001-ae8c-0e6aa0131ffd